



Naunaipkutaq Titiraq

Havauhikhait Hivuliqtip Nunavunmi

Taamna Hivuliqti tikkuaqtauvaktuq Kamissinamit Nunavunmi pitquyauhimayutut Maligaliurvingmit pigiaqtittiblutik Maligaliurvingmi. Taamna Hivuliqti qaffinik havaakhalik. Hivuliqtip ahianik, havaakhaqaqtuqtauq Maligaliuqtiubluni Ministaublunilu.

Taamna Hivuliqti hivuliqtiuvaktuq aulapkaiyiryuanit kavamatkunnit, munaqhivakhuni qanurilinganianik Kavamat Nunavunmi. Taimaa, havaakhait ataani titiraqhimayut:

- Ministat havaakhainik tunihiblutik tikkuaqtuivakhutiktauq Tuglianik Hivuliqtip;
- Ikhivautaliubluni Maligaliuqtilluat katimagaangamik, angiqhivakhunilu katimatjutikhanik;
- Maligaliuqtilluat katimatillugit ihumaliuqpauhiit munarahuaqpakhugu katimaqatigiikhutik ministaublutik havaakhainik, ilittuqhittailinirmik katimaqatigiingnirlu;
- Tikkuaqtiublutik Maligaliuqtilluanik havauhiinik ikayurahuaqhugu kavamat atukhaaqtakhait inirumayaitalu parnaiyainahuaqhutik huliyakhainik kavamatkut havagviit, katimaqatigiit kuapuriissallu maliguattiaqhutik kavamatkut maligakhainik, maligaliuqtakhainik, irininaqtut ihuarnikhakkullu havagahuaqhutik;
- Katimaqatauvagluni huliyuqaraangallu, taapkuatut Hivulliqpaat Ministauyut katimagaangamik huligaangamiglu;
- Tikkuaqtuivaktut Tugliinik Ministat.

Taamna Hivuliqti ikayuqtauvaktuq Titiraqtimit Maligaliuqtilluanut taapkuninggalu Havagviat Aulapkaiyit Kavamaliqiyikkullu Ikayuqtiinit.